



SULEQATIGIISITSISUT
SAMARBEJDSPARTIET

UKA2018/170
Tillie Martinussen
19. november 2018

(Inatsisartuni ilaasortaq, Mimi Karlsen, Inuit Ataqtigiit)

Inuusuttut inissiat pillugit nassuiaammik Naalackersuisut kingusinnerpaamik UKA2019-imi saqqummiussinissaat pillugu Inatsisartuni aalajangiiffigisassatut siunnersuut. Nassuiaammi inissianik sanaartornermi maanna suliniutaareersut sakkussallu tassunga attuumassuteqartut, soorlu ineqarnermut tapiissutinik nalilersuinermik imaqarlunilu maanna ingerlanneqartunit pisariaqartitsineq naammassineqarsinnaanngippat suliniutinut tapiliussassanut kaammattuutit imaqassaaq
(Inatsisartuni ilaasortaq, Tillie Martinussen, Suleqatigiissitsisut)

Siunnersuuteqartumut qujanaq manna apeqqutit pingaarutilik saqqummiukkakku.

Naalackersuisut akissuteqarnerminni innersuussutigaa inissiat tamanut naleqqussakkat, tamannalu isumaqatiginngitsoorsinnaanngilarput ilumut sulii amerlanerusut sanaartorneqartariaqarmata. Pissutsit assigiinngitsut pissutigalugit.

Nunatut allatulli inuusuttaqarpugut amerlasoorsuunngitsunik, peqataanillu malugisimavarput nunanut allanut norartut taakku. Inuusuttut ilinniakkaminnik naammassinnissimasut angerlartinniarnannut allaat efterskolereersimasut angerlartinniarnannut atatillugu ajornartorsiutigisartagarput tassaavoq inusuttut aqqusaartagaat ajornartorsiutit soorlu inissaqanngineq akilersinnaasamik, illoqarfinni ilinniarfeqartuni aamma suliffisaqartuni.

Qularutissaanngilaq maannakut illoqarfiit pingaarnersaanni sanaartornerunissaq eqqarsaataalermat taamatullu ilulissani taava naatsorsuutigineqarsinnaavoq inuit akii qaffakkumaartut ilaatigut taakkunani sumiiffinni taariikkanni.

Illoqarfiit ilinniarfillit kollegianik amingaateqaqaat naak piffissami massakkorpiaq oqalukkaluartugut inuusuttut amerlanerit ilinniartariaqartut taakkuli kollegiani inissaqanngillat. Aamma ineqarnermut tapiissutinut malittarisassat atuuttut attartornermulluunniit peqqussut imatorsuaq attartortitsisartunut atasinnarmik marlunnilluunniit initalimmik soorlu ilinniartunut inuusuttunulluunniit suliffilinnut attartortitsiniartunut iluaqutaasorsuunaviannigilaq.

Inuusuttunut inissiat amingaataasut aamma inissiat akisuallaanngitsut angajoqqaanik pisiarineqartartut pissarsiarineqarsinnaagaluarput sualummilli illoqarfiit annerit nutserfigineqasut imaannaanngitsorsiorfiupput. Aamma inuusuttut inaat amingaataaqimmata.

Inuusuttorpassuit inunnik isumaginninneq pillugu naatsorsoqqissaakkani takussaagut iluaqutigisinnaagaluarpat nammeneq ineqarnissartik, angerlarsimaffik qimallugu ilaqtanullu attaveqarlutik, inissinneqarsinnaagaluarput inuusuttunut inissianut. Inissinneqarsimasut nakkutigineqarnissaat aamma ilinnialernissaq sioqqullugu suliffissarsinissamat periarfissaq imaluunniit piginnaanngorsarluni sulineq, ilinnialernissamat imatorsuaq aamma periarfissalissuunngillat.

Inissiaatigut sussaannngillat, tamanna inatsisartunut saqqummiussisarnitsinni arlaleriarluta oqaatigisarsimavarput aamma taamaattumik nutaanik qanganitsat taartissaannik sanaartornissaq



**SULEQATIGIISITSISUT
SAMARBEJDSPARTIET**

pisariaqarpoq soorlu aamma inissiat pioreersut iluarsaannissaat pisariaqartoq. Taamaattumik isumaqarpugut pitsaassagaluqisoq kommunit suleqatigineqarsinnaasuuppata aningaasaliiffissanik allattuinnissamut, aningaasaliisartut avataaneersut eqqarsaatigalugit, inissianut nutaanut aningaasaleerusussinnaasut, tassunga atatillugu Namminersorlutik Oqartussat arlalinnik malittarisassiorsinnaagaluarput attartornermut akiliutit naleqqussarnissaannut aningaasaliisartut iluanaarutissaqarsinnaaqqullugit.

Kommuninut aqqissuussineq fasttrack atorneqalersinnaavoq, aningaasaliisartunut sanaartorusuttunut nunaminertanik tunioraasoqarsinnaavoq, illoqarfinni nunaqarfinnilu assigiinngitsuni Nuna tamakkerlugu Pilersaarummi najukkanilu pilersaarutini inissialiortitertoqarnissaanut kissaateqarfigineqartut aallaavigalugit.

Malittarisassat pitsaasumik suliarineqarsinnaassaqqooqaat, iluanaarniapiluttartut ingalassimaartillugit, aningaasaleerusuttulli iluanaaruteqarnissaat qularnaarlugu uangut patajaatsunik sinaakkutissanik pilersitsinitsigut.

Taamatut oqaaseqarluta inassutigaarput siunnersuut akuerineqassasoq tamannali pitinnagu inassutigaarput ataatsimiititaliami sukumiisumik oqaluuserieqaqqaassasoq.